

بتاع كلام

# بتاع كلام

( أشعار بالعامية المصرية )

للشاعر / كارم ولي



حقوق الطبع والنشر محفوظة  
لدار الأديب للطبع والنشر والتوزيع



<p>دار الأديب للطبع والنشر والتوزيع</p> <p>بتاع كلام.. ( الطبعة الأولى)</p> <p>كارم والي</p> <p>(2020 - 21844) بدار الكتب المصرية</p> <p>دار الأديب .</p>  <p><b>Gmail:</b> <a href="mailto:daraladeeb@Gmail.com">daraladeeb@Gmail.com</a></p> <p><b>Tel: 002- 010144491</b></p>	<p>اسم الدار</p> <p>اسم الديوان</p> <p>اسم الشاعر</p> <p>رقم الإيداع</p> <p>الإخراج الفني</p> <hr/> 
---	--



## إتكلمي ...

ساكتة ليه. إتكلمي ..؟؟  
راجعة ليه بتتألمي !?  
ساعديني أسامحك  
واشوف ملامحك  
واداوي جرحك  
عيونك ليه فيها دموع ..?  
قتلتي ليه لحظة رجوع ..؟؟  
ساكتة ليه إتكلمي ..!؟  
وفهمني....  
قلبي اللي تاه ويا الظنون  
إحكيه أسباب الشجون  
وقوليله ليه ضيعتي ليه  
ياحبيبتني ليه عمري الحنون !!؟؟  
بتبكي ليه ..؟؟  
قلبي معاكي كان ملاك  
كان يتمني لحظة لقاك  
بعتي ليه ..؟؟

## بتاع كلام



إتكلمي..

فاكرة سكوتك حاينفحك؟؟

دانا ياما كنت بسمعك

دانا ياما كنت لحظة سهادك بفهمك!!..

وبكلمك

كان نفسي بس أسعدك

وجوة قلبي أسجنك

ساكتة ليه..إتكلمي؟؟

دخلت جوة معبدك

وحرقتك كل الصور والبخور

ورفعت راسي أبصلك وأكلمك

مالقتش غير صد ونفور

النهاردة جاية ليه....بتتأسفي؟؟

بعد ماجرحتي قلب كان وفي!!

مش عاوزه ليه تتكلمي؟؟

سيبي قلبي خليه يعيش

إرحلي...ماتفكريش

دانا خلاص قفلت قلبي



## بتاع كلام



علي عذابه..  
ماتخبطيش علي بابه  
وسيبيه يعيش  
وأحسن بلاش تتكلمي !!..





## صدقيني...؟!

صدقيني لما أقولك

حبي ليكي مش كلام

صدقيني لما أقولك

انتي أجمل الأحلام

إفهميني...

عايزك مرة تفهميني

دوبيني...

جوة قلبك ويا حبك

دوبيني

إسمعيني..نبض قلبي بيناديكي

أرفضيني لما عنية تخون عنيكي

صدقيني لسة عايش حبي ليكي

قلبي دايب في هواي..

روحي طيارة في سماي..

كل نظرة من عيونك

بتوهني وانا معاي

كل بسمه من شفايفك



## بتاع كلام



بتسعد قلبي ياملاني  
ياحبيبيتي..صدقيني  
أوعي يوم تخسريني  
ولاً مرة تخدعيني  
وتقوليلي..مش بحبك  
أوعي مرة تهجريني  
ولاً مرة تجرحيني  
وازاي أقدر انا علي بعدك  
ياحبيبيتي....يا أميرتي  
نفسى أقولك كلمة واحدة  
أعشقينى...!!





## سهران...!!

سهران أناجي القمر  
والقمر مش داري  
وانا من كتر السهر  
الحيرة بقت حالي  
ياما ناجيته واشتكيته  
من اللي هجر ونسي  
لكن قمر الليل..  
ماسمعش موالي  
أتاري قمر الليل  
للعشاق احسن دوا  
يوصفوله حبهم  
ويمدحوله في الهوا  
وهو من كتر الشكوي  
حزين علي حاله  
نفسه يشفي جراحه  
وقلبه اللي انكوي  
ياما عانيت يا قمر



## بتاع كلام



والحبايب مش حاسين  
يامعلمني السهر  
والنجوي بدمع العين  
عايزك توصفلي دوا  
لقلبي اللي صار مجروح  
قلبي اللي غلبه الهوا  
وصبح ياعيني حزين..





## شاعر عيون..

آه من العيون اللي فيها السحر

خلاني

نسيت نفسي..نسيت اهلي

وخلاني

أوصف عيونك....ولأ رموشهم

ولأ جفونك....وحلاوتهم

ياكحل الجنة كحلهم وارويهم

دي رموش عذاري

لسة العشق مجافيههم

دي رموش حياياري ومحتارة

والحيرة معلمة فيهم

عيونك سفينتي

في بحر الدموع

وقلبك حبيبتي

آيد له الشموع

همسك ده سكر

كلامك معطر



## بتاع كلام



ونظرة عنيني  
ليها الخضوع  
شفايفك دي وردي  
بترويلي أرضي  
وأرضي دي ملكك  
وحق مشروع  
خدودك ... حبيبتي  
جبينك...مرايتي  
وشعرك...وليله  
في جمال منقوع  
عيونك بتسحر  
أشرب وأسكر  
وكل أما أعطش  
تقوللي...ممنوع  
ياساحرالي قلبي  
دبت فهواي  
مش قادر أخبي  
أنا عمري فداي  
أسافر وأرحل



## بتاع كلام



وأبعد بعيد  
وبتمني أرجع  
وأفضل معاكي  
حببتي عشانك  
حاعدي بحور  
ومن الهند أجبلك  
عطر وبخور  
وأكتب قصايد  
وأغزل سطور  
وألحن أغاني  
من فرح وسرور  
دا حبك ملكني  
يابدر البدور  
فرحان بقربك  
وبنبض قلبك  
يا أحلي نسمة  
يا أحلي بسمة  
دا إنتي أجمل

من بنات الحور..الله..!!





## دي آخرتها...؟؟

آخرتها.. علي الرصيف  
تبيع الموز  
أو تكون بلياتشو  
أوزي الناس ماتعوز  
آخرتها إنك تمد إديك للناس  
وتبكي عيونك بدل الدموع  
إحساس  
بعد ماشقيت وكبرت  
وربيت وعلمت  
وسميت وإخترت  
وأكلت وشريت  
ولبست وإحترت  
آخرتها.. في الشارع تبيع موز  
آخرتها.... إنك تكون أراجوز  
أنا مش بلوم علي البياع  
أنا حزين علي عمر ضاع  
علي عمر ضاع علي ولادي



## بتاع كلام



علي المعروف في الدنيا دي

علي كل دمعة نزلت

تسيل علي الخد

علي الحب والإخلاص

اللي مالوش حد

علي كل لمسة حنان

والعطف.... والأمان

علي تعبي وخوفي

وعلي أسوة ظروفي

دي آخرتها ترموني وحيد

أنا عملت إيه ..؟؟

ياللي قلوبكم من حديد

عجوز وولادي رموني

وطردوني أنا من الحي

مريض ولم يداووني

والموت زمانه جاي

ضعيف محتاج رعاية

هزيل أنا وجعان .. ياناس حرام عليكم

محتاج لشربة مي .. وعجبي !!..





## صبر أيوب !!..

ياما صبرت يا أيوب  
وطال صبرك مع الأيام  
كنت تمللي تبات مغلوب  
وتمسح دمة الحيران  
كنت بتحلم وبتمني  
تتحقق لك الأحلام  
لكن حال الدنيا ياوالدي  
حال الدنيا مألّهش دوام  
ياما صبرت وكنت بتنسي  
كل أسية وكل خصام  
ياما فضلت تراعي حقوقنا  
كنت بتسهر مش بتنام  
كنت تحب الحق ودايما  
دايما واقف مع الغلبان  
كان كل أملك إنك تبقي  
راجل صالح علي الدوام  
راجل حر وصاحب مبدأ



## بتاع كلام



عايز بس تعيش في سلام  
ياما صبرت علي المصاعب  
وكل صعيب ذلته أوام  
كنت تحب معني الرقة  
ومعني العطف والحنان  
لكن حال الدنيا آتغير  
واتبدل طبع الإنسان  
حاتفضل ذكري جميلة ياواليدي  
حانخلدها في أي مكان  
أصل العبرة دي قيمة ومعني  
بيأكدها.....حلو اللسان  
وعجبي..!!





## عيونك حبيبي..

عيونك سفينتي  
وأنا القبطان  
وفيك حبيبي  
أنا هيمن  
يا أغلي ما عندي  
ياروحي وقلبي  
يانسمة حياتي  
يا فرحي وآهاتي  
ملكتي حبيبي  
كل الوجدان  
دي لمسة إيدي  
لإيدي دليل  
ونظرة عنيني  
ماليها مثل  
وبسمة شفايفك  
وربي اللي شايفك  
لما بشوفها



## بتاع كلام



بتوه توهان  
جبينك منور  
كلامك مسكر  
وشهدك مكرر  
ورقة مشاعرك  
عملتلي جنان  
ياغنوة حزينة  
يالحن الخلود  
يامركب ومينا  
مالهاش حدود  
يابر الأمان  
ياضحكة بريئة  
ياشمس الوجود  
إنتي الحقيقة  
وأمل ممدود  
عيونك حبيبي  
ياست البنات  
دانتي حبيتي  
قلبي اللي مات



## بتاع كلام



رقيتك بحبي  
وهبتلك قلبي  
وخايف عليكي  
وبدوب دوبان  
ياربيع عمري ياللي  
معادك...تمللي  
بييجي في معاده  
ونشم الريحان  
دا شهدك رواني  
من بحر الأغاني  
وبحرك دا جنة  
صاحبها رضوان  
وعجبي..!!



## إتفرج... وشوف...

يا لا العجب.... دا مش معقول  
يطلع كمان.. بنطلون مبلول ..؟!  
بقي بالزمة دا اسمه كلام  
دي حاجة تجنن العقول!!  
بكرة يطلع قميص بيغني  
أو فستان بيدمس فول!!  
ولاً بلوزة فيها علاج  
أو تطعيم للمشلول!!  
ولاً تلاقي جزمة بتمشي  
معمولة من ست رجول!!  
بقي ده معقول .. ؟!  
إيه الحكمة في لبسه دا يعني ..؟؟  
ماهواش منظر ولا مقبول  
شكله غريب وريحته كريهة  
واللي يجيبه .. أكيد مهبول  
بكرة تشوف ولاد وبنات  
لابسينه يوماتي علي طول

## بتاع كلام



والأهل فرحانة بعيالها  
إنه كبر وبقي مسؤول  
ولافيش نخوة ولا تربية  
وزي ماعاوز تقول..قول  
بقي هي دي معني الحرية؟؟  
يامسلمين يا أصحاب العقول !!؟؟  
الصهاينة نجحوا فعلا  
وفعلا دقوا للحرب طبول  
بس الحرب مش بالمدفع  
الحرب خدعة وفكرة خادعة  
وعلامه إنتصارهم...  
بنطلون مقطّع...  
والتاني مبلووووول...  
وعجبي..!!





## استغمايه...

خلاويص ؟؟

لسّه

أجيب البوليس ؟؟

لسّة

طب أجيب اليهود ؟؟

أيوه

معاهم جنود ؟؟

طبعا

عدوا الحدود ؟؟

أيوه

معاهم بارود ؟؟

طبعا

بيقتل ولاد ؟؟

أيوه

ويحرق بلاد ؟؟

فعلا

بيهتك أعراض ؟؟



## بتاع كلام



طبعاً

ببزرع ورود؟؟

أبداً

بببوس حدود؟؟

لسه

بببحتل ببوت؟؟

أيوه

والناس بببموت؟؟

طبعاً

علمه مرفوع؟؟

فعلاً

وصوته مسموع؟؟

جداً

بسلاحه فتاك؟؟

أيوه

والعيشة هلاك؟؟

طبعاً

بببغدر وبببخون؟؟

فعلاً



## بتاع كلام



وبيبني سجون ؟؟

حتما

والعرب ساكتين ؟؟

أيوة

وضميرهم فين ؟؟

لسة

شايفين الذل ؟؟

طبعا

وحروب عالكل ؟؟

فعلا

ربنا موجود ؟؟

أيوة

ومالهش حدود ؟؟

طبعا

والنصر قريب ؟؟

لسة

في علم الغيب ؟؟

طبعا..

خلاااص!!..





## إعمل خير...

إعمل خير يا بن آدم  
وأوعي تكون جبار  
وحافظ علي العهود  
وصون حقوق الجار  
وأوعاك فيوم تفتري  
ولا تبقي من الأشرار  
وكل لقمتك بحلال  
وطيع كمان والديك  
تعيش عمرك سعيد  
ولا لحظه في يوم تحتار  
وعجبي..!!



## اعزف .. ياناى .. اعزف ..

اعزف ياناى اعزف سمعنى الحانك  
سمعنى لحن الوفا واحكىلى اشجانك  
احكىلى عن اللى هجر  
احكىلى عن اللى خان  
وازاي لعب القدر  
وبدل الالحن  
احكى وعلى الصوت  
ليه صوتك مش مسموع  
واحكى رواية موت  
قلب عاش مخدوع  
قلب حب صحيح  
وقف فوسط الريح  
ولا عمره فى يوم خانك  
قلب مش غدار  
بس انكوى بالنار  
كان بينبض بس عشانك  
والله بس عشانك ..



## الحب...!!

ياما نزلت دموع ع الخد  
ياما ناس إشترت الورد  
ياما شهد قمر الليل  
علي حب صحيح بجد  
ياما داب القلب وتاه  
واحتار العقل معاه  
دا الحب ياما عذب ناس  
وقلوب كانت هاوياه  
ياما خضعت ملوك لرحمته  
واتبدلت وياه..  
أصل العشق مالوش كبير  
وياحظ اللي يقع فيه  
ليطلع منه بسلام  
ليروح ضحية معاه  
وعجبي...!!





## بفتكر اسمي ..

بحاول أفتكر إسمي  
بقاوم ضعف في جسمي  
مسكت الناي وقلت أعزف  
طلع اللحن حزين رسمي

\*\*

أتاري الصحة راس مالي  
وأنا مالي ضعيف كدا ليه ؟؟  
بقيت أبص علي حالي  
لقيت حالي ياعيني عليه

\*\*

أتاري الصحة دي نعمة  
ومش حاسين بوجودها  
يصيب الجسم مرض أعمي  
نقول الشعر في خدودها

\*\*

نقول عنها ونتكلم  
وجوانا لسة بيتألم



## بتاع كلام



ومش عاوزين نتعلم

وبنسلم للمكتوب

\*\*

دي أصل الصحة يا جماعة

مش دكتور وسماعة

دي عافية وقوة ومناعة

وطاعة وتكفير لذنوب

\*\*

نصيحة مني وليها معني

لكل واحد بيسمعنا

حافظ علي صحتك يا بني

دي هي النبض في القلوب

\*\*

دي الصحة تاج علي راسك

وهي ضميرك وإحساسك

وعشانك وعشان ناسك

لازم تصونها ودا المطلوب..!!





## معنى الصداقة ..!؟

هي إيه معنى الصداقه

غير محبة وانسجام

\*\*

دي إخلاص في العلاقه

ومعاهم حبة إحترام

\*\*

وممنوع وجود الحماقه

لأنها بتسبب زكام

\*\*

بالشياكة واللباقه

تبقى آخر إلتزام

\*\*

بالتفاني والشهامه

تبقى مخلص علي الدوام

\*\*

ويبقى ليك في الكون علامه

ودايما تحظي باهتمام



## بتاع كلام



وَجِبْ صَاحِبِكَ كَثِيرَ وَيَامَا  
وَإِزْرِعْ خَيْرَ وَأَنْشُرْ سَلَامَ

\*\*

وَإِرْسَمْ فَرْحَةَ مَعَ إِبْتِسَامِهِ  
تَتَحَقَّقْ لَكَ الْأَحْلَامَ

\*\*

وَأَوْعِي تَنْسِي تَلْبَسْ كَمَامِهِ  
وَوَصِي صَاحِبِكَ قَبْلَ مَا تَنَامَ

\*\*

دِي الصِّدَاقَةَ رَايَةَ وَشَامِهِ  
عَلِي الْجَبِينِ وَأَجْمَلَ وَسَامَ

وَعَجَبِي..!!





## إكتب حاجه...!!

إكتب حاجة نافعة مفيدة  
يمكن بيها...تصلح حال  
حكمة.نصيحة...أو تنهيدة  
إبعد بس عن أي خيال  
فضفض إحكي حكاية جديدة  
قول تجربتك ياللا ياخال  
قلبك حب في ليلة سعيدة  
وسهرت ليلك في إنشغال ؟  
خانك حبك مع واحدة عنيدة  
غدر وهجر ومفيش وصال ؟؟  
ولا بقيت علي الحديدية  
وضاع مالك علي الأندال ؟؟  
فقر وذل..أنواعه فريدة  
ورزقك ضيق وبختك مال ؟؟  
حيرة وغيره قوية شديدة  
وشايل من الهموم جبال ؟؟  
قلة حيلة شايفها أكيدة



## بتاع كلام



ومهما تدعي الإجابة محال !!؟  
أمراض خبيثة أمراض حميدة  
ومش ملاحق علي قلنا وقال ؟؟  
قلة نوم وأفكار بليدة  
وعقلك نفسه يسأل سؤال !!؟  
ليه الدنيا أسية عنيدة  
داحنا ضيوف...بعدين ترحال !!؟؟  
ليه فرحتنا عنا بعيدة  
ليه الأحزان عالراس تتشال ؟؟  
عايزك تكتب أحلي قصيدة  
ولا تألف ....كام موال  
إبكي وفضفض قول مآساتك  
يمكن تهدي...ويهدي البال  
جايز تلقي حاجة في حياتك  
حلوة وفلة ..وعال العال  
إبحث بس عن قيمة لذاتك  
وانت تلاقي... كل جمال  
وعجبي...!!



## أنين...

بيسألوني.....؟؟

ليه شعرك تمللي حزين .. ؟

كله هموم كله شجن وأنين

هي الحياه كلها أحزان

ليه عندك للحزن حنين ..؟

ليه تمللي قلبك بالهم

ليه تقطع شريان الدم ..؟

ماتسيبها علي الله ياعم

بكيت من حُرقتي

ونزلت كمان دمعتي

وبقيت زي الأصم

ماحد حاسس بيه

وبقلبي الموجوع

روحي غايبة عليه

والنبض مش مسموع

قالولي روح لطبيب

إشكيله من اللي فيك

## بتاع كلام



لعله يلاقي الدوا  
اللي بيه يشفيك  
رديت بصوت مخنوق  
وكأني في كابوس  
قلت قادر رب الكون  
يسعد كل منحوس  
يارب ياللي قدرتك  
ما بين الكاف والنون  
قادر وغيرك ما يقدر  
يارب...ياحنون  
تفك كل الكروب  
وتمحي كل الذنوب  
وتستر...العيوب  
وترجع الضحكة لينا  
ونحقق...أمانينا  
ويرجع النبض في القلوب..





## اوعى تحزن...

إوعى تحزن ع اللي راح  
واللي ساب هم وجراح  
واللي عاند واللي رافض  
واللي كان قلبه جامد  
واللي كاره للأفراح

\*\*\*

أوعى تزعل يوم وتشكي  
أو بدموع القلب تبكي  
ولاً يوم تصبح تعارض  
ولاً تمشي وانت شارد  
حاول بس تعيش مرتاح

\*\*\*

إدعى ربك.. تنسي همك  
أوعى يوم تحرق في دمك  
غني وافرح.. دا الفرح وارد  
أو عيش حياتك بدم بارد  
وخللي الحزن.. غير متاح..





## يمكن...؟!!

لما تضيق عليك الدنيا  
أسجد بين آيادي الله  
ابكي وعيِّط علي مآساتك  
وينبض قلبك بقولة آآآه  
خلي الدمع يغسل عينك  
يمكن تنسي اللي شايفاه  
يمكن ربك ينصف حالك  
وينسيك عذاب الويل  
كل عذاب شفته في يومك  
ويا همومك وانت ذليل  
عدي المحنة بأي طريقة  
وارسم قمره تشق الليل  
ارسم ضحكة لوش حزين







## هل.. من مغيث ..؟

وباء فتاك  
هنا وهناك  
بيحصد ارواح  
ظلم وفساد  
وآخر عناد  
مسا وصباح  
ذل وهوان  
هم وأحزان  
مخلفة جراح  
بؤس وشقاء  
حيرة وعناء  
ولا حد مرتاح  
عيون دبلانة  
هموم وخدانا  
في طريق أشباح  
داكرب عظيم  
والقلب سقيم



## بتاع كلام



ومرض سفاح  
هل من مغيث  
غير البوليس  
شبعنا نواح  
يافاروق تعالي  
شوف الحالة  
فين الإصلاح  
فين الأمان  
دا حتي الحنان  
ولي وراح  
أنشر العدل  
حارب الجهل  
ورّع...سماح  
إقطع رقاب  
قتل وإرهاب  
بأي سلاح  
إزرع محبة  
في الأرض حبة  
وقول للأحبة



## بتاع كلام



الفجر لاح  
صلي امام  
واحننا وراك  
ولما تنام  
نحمي حماك  
ونعيش في فلاح  
حرر بسيفك  
بلاد مسلمين  
بلاد علي كيفك  
في ايد ملحين  
وحرر قلوبنا  
ووحده صفوفنا  
يمكن بقدمك  
تجينا الأفراح  
ياللا يافاروق  
خلينا نرتاح  
وعجبي..!!



## نبض القلم...

لما جيت أكتب قصايد  
علموني وزن الكلام  
فهموني معني القوافي  
درسولي عروض تمام  
عرفوني معني الجناس  
والسجع جوة الكلام  
وكل تشبيه بليغ  
بضرب له تعظيم سلام  
والتضاد والمعاني  
والتنوع ده انسجام  
علموني أقرأ ياما  
واهتميت بالعلام  
دا رثاء ودا هجاء  
وده حب وعشق وغرام  
فهموني ليه الأحبة  
سهرانة ومش بتنام  
عرفوني معني الشوق

## بتاع كلام



ومعني الهجر والخصام  
وقالولي أوعي تكتب  
أي حاجه والسلام  
خليك دايمًا مميز  
خليك علي طول همام  
ونقي مواضيع بحرفة  
حاجة خاصة ولاً عام  
خلي دايمًا حروف كلامك  
ليها عطر علي الدوام  
ومنشوراتك اللي بتبعها  
ياريت تحظي بإهتمام  
رديت وقلت بصوت عالي  
كفاية بقي تعبت حرام  
أقسم بالله .. كل حاجة بتتبع  
بيعاملوها... بإحترام  
وعجبي...!!





## ليه تهاجر..؟؟

ليه تهاجر..؟؟  
وانت بلدك أولي بيك .. ؟  
طير مسافر  
ولا رزق بيناديك .. ؟  
إنت فاكر..  
إن وطنك بيعاديك .. ؟  
دا الفراق عذاب ونار  
وليه تتحمل المرار ؟  
وليه نضيع عمرنا  
في هجر وبعاد ؟  
وليه نشنت نفسنا  
بأسوة وعناد ؟؟  
لو البعاد حايرجعك  
مهندس طبيب  
طبعاً لازم نشجعك  
دا مش شئ غريب  
ولو الحروب مررت



## بتاع كلام



طعم الحياه..  
ولو الدروب إتقفلت  
وإتعكرت حتي المياه  
وحاتعيش غريب  
جوة وطنك ياولداه  
هاجر وسافر .. وإمشي الطريق لمنتهاه  
أنا معاك... طبعا معاك  
ماهو فيه أسباب للنجاه  
وليل الغربة طويل  
والنهار بيستناه  
بس لازم برده تفهم  
إن الفراق جراح وشوك  
أهلك وناسك حايوحشوك  
حاتعمل إيه في أمك وأبوك ..؟؟  
دول بيحبوك  
أوعي تهاجر يا إنسان  
أوعي تهجر المحبوب  
دا مهما كان غدر الزمان  
أرحم من كسر القلوب..





## لا .. للتتمر...

أيوه...أنا طفل منغولي  
معاق...أيوه  
عرفت إزاي؟!  
عرفت لما الناس قالولي!!  
عرفت لما شتموني  
عرفت لما ضربوني  
واتأكدت...  
لما بصيت في المرايا  
وبكيت  
وماحدث فهم بكيا  
كل الأطفال بتلعب  
وانا مش فاهم لعبهم  
الي بيرسم والي بيكتب  
نفسى...أبقي زيهم  
نفسى أحس بطعم الأكل  
وابقي واحد منهم  
مانا برده طفل في سنهم



## بتاع كلام



ماما وبابا بيضحكوا  
وهما زعلانين  
كان نفسهم أطلع سوي  
ويعيشوا مبسوطين  
طب ربي خلقتني كدا  
وذني أنا إيه  
بتشتموني ليه؟!  
بتعايروني ليه?!  
حرام عليكموا كفايه  
اللي أنا فيه  
كفاية إني مش قادر  
أنام..

كفاية إني مش قادر  
أعيش في سلام  
قلبي حزين قوي  
وروجي تعبانه  
والضحكة دبلانه  
والأسوة مليانا  
وقلوبنا خدعانا



## بتاع كلام



والرحمة نقصانا  
وعقولنا تعبانا  
ياارب دي حكمتك  
صابر... ومستحمل  
طالب بس رحمتك  
عشان أقدر انا أكمل  
الحمد ليك ياكريم  
والشكر والعرفان  
عشمان عشم عظيم  
في جنة الرضوان..





## لسه راجع...؟؟

لسة راجع من جديد  
عايز تجدد الذكريات ؟؟  
فاكر قلبي يبقي سعيد  
بعد مانسيت اللي فات ؟؟  
بعد ما إديتك كياني  
وسقيتك شهد الأيام  
وعشقت فيك الأمانى  
وعشقت فيك الأحلام  
لسة راجع تفتكرني  
عايز قلبي يرضي عليك  
لسة فاكر إن قلبي  
مازال بين إديك ؟  
دانا ياما سهرت عشانك  
أناجي قمر الليل  
كنت فاكر إن قلبك  
فيوم راح يميل  
لكن إنت كنت آسي



## بتاع كلام



كنت ناسي حبي ليك  
كنت فاكر اني عايش  
أحلي ذكري بتناديك  
لكن إنت كنت غادر  
كنت خاين ذكرياتي  
كان غرورك بيعذبني  
بيدوبني في آهاتي  
لسة راجع بعد دا كله  
بعد الظلم والحرمان  
عايز تعرف إيه شعوري  
كان فين قلبك زمان.. ؟  
إرجع تاني زي ماجيت  
دانا إنكويت من الأحباب  
وكفاية علية إني أعيش  
أحلي ذكري فيها عذاب  
ولسه راجع...؟!!



## الأخوه الأعداء...

عيني عليك يانبي  
ياللي اخواتك أخذوك  
معاهم ترعي الغنم  
واقسموا انهم يراعوك  
في بير ضلمة غويط  
شيطانهم قالهم يرموك  
كان نفسهم يقتلوك  
ولما رجعوا في المسا  
سألهم عنك أبوك  
بكت عيونهم دموع  
قال يعني ..بيحبوك  
قالوله ديب الصحاري  
هجم عليه وأكله  
أتاري الديق برئ  
لديب بيسبح الرحمن  
حيوان برئ سارح  
بياكل لقمته غلبان

## بتاع كلام



الغدر من طبعكم  
والكذب والبهتان  
والغش علي وشكم  
سايب علامة كمان  
أخوكم من دمكم  
ترموه في بير غرقان  
كان إيه بس قصدكم ؟؟  
ملعون بني الإنسان  
بس ربك رب كبير  
بعته ملاك وياه  
ونجاه أكيد من البير  
وعرفه طريق هداه  
وكتبله حياه جديدة  
فيها الألم والآه  
وقاله اصبر تنول  
دا الصبر يامحلاه  
ودارت الأيام  
ويوسف بقي عظيم



## بتاع كلام



يحكم ويهدي الناس

ويعبد رب كريم

من بعد الهوان والذل

أصبح نبي وزعيم

وعجبي..!!





## وطني ..

إسجنوني جوه سور  
سكنوني أرض بور  
اربطوني في ساقيه أدور  
بس سيبولي الوطن  
اجلدوني...عذبوني  
انشالله حتي تموتوني  
أنا إشتريت الكفن  
بس علي الله تمسوا الوطن  
هو أرضي هو عرضي  
هو واجبي هو فرضي  
وعمر ماكان له تمن  
هو الدم في وريدي  
هو فرحي ويوم عيدي  
وهو القوه في البدن  
بس انتوا سيبولي الوطن..





## الطير الحزين..!!

جرالك إيه يا عصفور  
جناحك ليه مكسور؟؟  
وعيونك دبلانين  
لونك ليه مخطوف  
وريشك ليه منتوف؟؟  
وبتصرخ أنين  
بتبكي علي اللي راح  
واللي خلف جراح  
ويومك بقي حزين  
جناحك كان مفرود  
وصوتك ماله حدود  
والقلب كله حنين  
حبيبك هجر وخان  
وقلبك كان ولهان  
وكان في حبه أمين  
سقيته شربات ورد



## بتاع كلام



حببته حب بجد  
حب عنيد ودفين  
زرعت في أرضه زهور  
ووهبته أحلي شعور  
ولا همني اللاميين  
جعلته تاج علي راسي  
ملكته كل إحساسي  
صبح من الخائنين  
سابني وراح لغيري  
ليه كده بس ياطيري  
تدبحني.... بالسكين  
حرام عليك حرام  
عنية مش بتنام  
عشقتك من سنين  
لكن والله لرجع تاني  
أتعافي أنا ووجداني  
وأرفع الجبين  
وأبدر بذور الأمل



## بتاع كلام



وأعود أنا للعمل  
وأترك لحظات الملل  
وأغني غنوتين  
وأغزل خيوط المحبه  
وأعشق.. حبه... حبه  
مانا برده من العاشقين..



## العلم نور ..

العلم نور والجهل نار  
بالعلم نحيا في إزدهار  
بالعلم نسابق الزمان  
وبالجهل نعيش في إنكسار

\*\*

للعلم سورة في القرآن  
أولها ( اقرأ ) يا إنسان  
باليقين والبيان  
ودا كلام إله ستار

\*\*

ومن زمان قالها ( الأمين )  
أطلبوا العلم ولو في الصين  
تتفتح عقول ملايين  
وخلوا بالكم الجهل عار  
بالتكنولوجيا والعلوم  
تبقى ساطع زي النجوم  
تسُق الضباب والغيوم

## بتاع كلام



وما يبقاش عليك عُبار  
عَلِمَ نفسك وشوف بعنيك  
تلقي العلم سلاح في إديك  
وتبقي الدنيا كلها حواليك  
وممكن تعمل بيه أفكار

\*\*

دي غواصة تحت الميه  
ودي صواريخ إلكترونيه  
وصناعات للبشرية  
ودي طيارة بدون طيار

\*\*

وهناك هواتف بالإشاره  
وهندسة و فنون و عماره  
وزراعات فيها مهاره  
وعارف إمتي يحصل إعصار

\*\*

المقصود وعايز أقوله  
لو حاتسهر الليل بطوله  
طالب العلم لازم ينوله



## بتاع كلام



ذاكر وإنجح بإستمرار  
إرفع دائما راسك فوق  
وروح للعلم بلهفة وشوق  
تلقي الدنيا معاك حاتروق  
خلي بس عندك إصرار

\*\*

عايزك أنا علي طول تتعلم  
أوعي في يوم للجهل تسلم  
وصلي علي نبينا وسلم  
والزم دائما الإستغفار

\*\*

وإعرف إن العلم دا نور  
وإن الجهل دا طعمه مرار





## الحمد لله...

أسمر لون بشرتي  
وربي لونها  
فرحان انا بخلقتي  
ربنا يصونها  
والقلب ابيض  
مليان بحب الناس  
العبرة مش باللون  
دي العبرة بالإحساس  
ياناس سيبوني في حالي  
ماليش دعوة بحد  
مالكم بس ومالي  
بتجلدوني جلد  
ربي عاوزني كده  
مبسوط انا وفرحان  
وأكم من بشرة بيضة  
والقلب اسود بجد  
دا ربك رب قلوب



## بتاع كلام

والرك علي النيه  
ودا قدر ومكتوب  
وقضاؤه عدل فيّة  
بلال... هو قدوتي  
مؤذن رسول الله  
بشرته زي بشرتي  
أسمر... يامحلاه  
وكفاية أنه في الجنه  
مع خير خلق الله  
ودايما... الحمد لله





## أمي حبيبتي..

أمي...إنتي روعي.إنتي دمي

إنتي...دايما شايلة همي

إنتي كل حاجة حلوة

إنتي لحن إنتي غنوة

إنتي بيكي الدنيا دنيا

كلي ليكي فكل ثانية

ياحبيبتي...

مفيش في بالي واحدة ثانية

أصل إنتي يامّة..حاجة ثانية

ياحبيبتي ياعيووني

من غيرك يزيد جنوني؟؟

إنتي روعي ومهجتي

ياللي ملكتي دنيتي



## بتاع كلام



ياللي دعاكي لرب الكون  
نور حياتي...وسكتي  
دي الدعوة منك شمس ونور  
بتفك أسر المأسور  
إنتي الدم في وريدي  
ورضاكي يامّة يوم عيدي  
ياحياتي...يا أميرتي  
يا أعي...ياحبيبتي



## حق الأب...

كل قصايد الشعر بتحكي  
وبتتلكم عن قيمة الأم  
كلام يخلي القلب يبكي  
كلام مؤثر والله ياعم  
أيوة صحيح الأم عظيمة  
أيوة صحيح هي ست الكل  
لكن الأب عز وقيمة  
من غيره حانشوف الذل  
يطلع بدري في الفجرية  
يدعي ربه برزق وفير  
ان كان فلاح يزرع أرضه  
ويتمناها تطلع خير  
وان كان عامل جوة المصنع  
آخر الشهر مفيش تبذير  
وان كان تاجر أصلا شاطر  
برده شايل حمل كبير  
كل القصد ( الأب ) حصانه

## بتاع كلام



من غيره مشاكلنا كثير  
راعي حقوقنا ..بيجيب قوتنا  
شايلى هم صغير وكبير  
شايلىن اسمه محدش ينكر  
وطبعا حتما له تأثير  
واللى منهم مات وغادر  
ألف رحمة وزهور وعبير  
واللى عايش برده لسّة  
بندعيلاه...يبقى أمير..





## خاف علي نفسك..!!

إلزم بيتك..  
خاف علي نفسك  
طهر إيدك  
ويا ملابسك  
إهدي شوية  
بلاش الشارع  
أصل كورونا  
فيروس بارع  
بسرعة بيعدي  
صداع وسعال  
وحمي شديده  
ولا عالبال  
فترة صعيبه  
والله ياخال  
مسيرها تفوت  
والي حاي موت  
حاي بقي شهيد



## بتاع كلام



وعالراس يتشال  
دا ربك كبير  
صاحب تدابير  
بص حواليك  
يمين وشمال  
تلاقي العالم  
في حزن طويل  
صبح وليل  
فقدوا الأهل  
وفقدوا المال  
الكل بيبي  
ولهمه بيشكي  
نفسنا نرتاح  
ويعود الحال  
دي حكمة أكيدة  
وعبرة مفيدة  
لعل الناس  
بعد النعاس  
ترجع وتعود



## بتاع كلام



لإله...معبود

لطيف متعال

حاندعي جماعة

لرب عظيم

يقوي المناعة

ويلاقوا تطعيم

بس إحنا لازم

ناخد بالأسباب

ونلزم بيوتنا

ونقفل الباب

ومفيش زحام

ولا طواير

خاف علي نفسك

يا ابو عقل كبير

يااa



## الله يسامح اللي خان..

ياللي كان حبي ليك  
مالوش مثيل  
ويااللي كنت بنظرة منك  
تشفي العليل  
ويااللي كانت عشانك انت  
تسهر عيوني  
خنت ليه ذكرياتي  
وحلمي الجميل !!؟؟  
قلبي كان في بحر هواك  
زي الغريق  
كنت انت صاحبه انت الصديق  
انت الرفيق  
قلبي عاش يحلم بقربك  
واختار معاك أصعب طريق  
روحي كانت هيمنة فيك  
وبتناديك  
كانت في كل خطوه

## بتاع كلام



تبص تلاقيك  
بتحس بيك وتناجيك  
وكانت دايمًا تخاف عليك  
عقلي ياما تاه من الأفكار  
ومن الآهات  
ياما فگر فيك ياخاين  
ياما لحن أغنيات  
بس فجأة... بص شاف كل حاجه  
كل حاجة كانت حلوه  
صبحت ذكريات  
إنسي ياقلبي اللي كان  
وانتي ياروحي وانت ياعقلي  
الله يعوض علي الزمان  
ساب في قلبي جرح كبير  
والجرح ده.. مالوش دوا  
إلا النسيان  
والله يسامح اللي خان  
والله يعوّض علي الزمان..





## بدون عنوان...

ملا مِحِك ليه فيها خضوع  
وصورتِك ليه عليها رتوش ؟!  
وصوتِك... مابقاش مسموع  
ولو عالي.... ما بنسمع هوش !!!  
وشَعْرِك ليه متحني بلون حنة  
باهت.... منعرف هوش ؟!  
وشَعْرِك ليه بقي كلامه  
بدون معني وعلي فاشوش ؟!؟!  
وبحرك.... هادية أمواجه  
وأسماكه... بلعتها قروش  
وراسمة ليه علي جبينك  
علم مقطوع.. ألوان ما فيهوش ؟؟  
وتوبك ليه بقي مقطّع  
بعد ما كان طويل منقوش ؟!  
وشهدك فين عشان أشرب  
يا خسارة... دا طلع مغشوش  
وراسمة إيه علي إيديكي ؟



## بتاع كلام



غزالة..بتفترسها وحوش  
وضهرك إنكسر بدري  
وفين وشك وسط الوشوش ؟؟  
وشمسك نورها ماهش ساطع  
وليه معاكيش سلاح خرطوش ؟؟  
تدافعي بيه..عن نفسك  
وعن شعبك وعن أرضك  
وعن صوتك وعن عرضك  
ولاً إحنا عبید..  
ومانستهلوش ؟؟



## تحياتي...

تحياتي...سلاماتي  
من قلب عاشق للقصيد  
من قلب كان يتمني يوم  
يكتب قصيدة أو نشيد  
من روح وهايمة في الهوي  
من دم بيجري في الوريد  
من عقل واعى لسكته  
نفسه بس يعيش سعيد  
تحياتي..لكل واحد  
قلبه إنكسر  
وبيه إتغدر  
حتي القدر  
كبل إديه من حديد  
إحتراماتي..للحب بتاع زمان  
واللي عمره فيوم ماخان  
واللي عاش معانا في أمان  
واللي معاه..آتولدنا من جديد

## بتاع كلام



إعتباراتي... لكل الذكريات  
والحلو منها... بالذات  
أصل الذكري علي فكرة  
بتصحصح القلب الشريد  
تحياتي.... سلاماتي  
للحظة حلوة شفناها  
لكل همسة قولناها  
لكل نظرة حب عشناها  
لقلب حاسس إنه وحيد  
نفسه كان يتمني يوم  
يكون معاه من الحب رصيد  
بس إزاي وهو وحيد؟؟  
تحياتي..





## حوت يونس..

ياحوت ياللي بلعت النبي  
بأمر من الرحمن  
وحفظته جوة بطنك  
وعاش جواك في أمان  
وكنت بتخاف عليه  
يا أرق بني الحيتان  
لفيت بلاد وبلاد  
وبقيت بالنبي فرحان  
وهو بيسبح بحمد الله  
لكن أكيد تعبان  
سبحانه من أحياء  
ضعيف بني الإنسان  
ولما جالك الأمر  
وصلته عالبر ياقبطان  
نفذت أمر الله  
بالحب والحنان



## بتاع كلام



لو كل مخلوق إلتزم  
ونفذ المطلوب  
ماكان حد تعب  
ولا عمره بات مغلوب  
والدنيا صبحت جميلة  
مافيهاش أسي وحروب  
وعاش بني الأنسان  
راضي... بالمكتوب  
وعجبي..





## خاف الله...

إبراهيم عليه السلام  
أرسله إله معبود  
ينصح كل الناس  
ويقول في إله موجود  
ويمحي بكلامه الجهل  
ويفتح طريق مسدود  
وقف في وش الباطل  
بربه كان مسنود  
وكسّر الأصنام  
أمام كل الحشود  
وقال... أعبدوا ربكم  
اللي مألّهش حدود  
اللي بيبيعت رزقه  
في قلب الحجر للودود  
واحد أحد مقتدر  
إله الآباء والجدود  
وعشان الغرور والكبر



## بتاع كلام



والكفر ويا الجحود  
قالوا إرموه في النار  
وده أمر من النمروود  
يانمروود...ياجبار  
مش خايف تخش النار؟؟  
أهو ربك أرسل بعوضة  
عملت عليك حصار

\*\*\*

يامن عشقت الجمال  
زور قبر...طل وشوف  
تلقي الجمال إتردم  
والعضم صار مكشوف  
وقدود كانت جميلة  
ورموش كانت كحيلة  
دلوقتي لما تشوفها  
والله تموت من الخوف

\*\*\*

يامن عشقت الجمال  
زور قبر واتطلع



## بتاع كلام



تلقي الجمال اتردم  
والعضم متخلع  
وأجسام كانت جميلة  
دي كانت بتدلح  
يا بن ادم فوق واتعظ  
من قبل ماتولع  
وعجبي..!!





## رسمتك وردة في جنينه..

كتبتك سطر في غنوه  
عزفتك لحن يشجينا  
قريتك قصتي الحلوه

\*\*\*

وهبتك كل احساس  
زرعتك جوه بستاني  
جعلتك تاج علي راسي  
ملكتي كل وجداني

\*\*\*

سقيتك شهد أيامي  
حفرتك نقش في قلبي  
لقيتك ناسية احلامي  
هجرتك بعد ماهان حبي  
سبيني اعيش علي الذكري  
خايف بس...من بكره  
ماقدرش انساكي واتعذب  
مانا لسة بحبك علي فكره..





## زعابيب..

رفعت إيدي للسمما  
أدعي رب كريم  
مظلوم وعایش ملحمة  
وتاهت المفاهيم  
سألت رب البشر  
ليه الظلم أنتشر  
والقسوة بقت كثير ..؟؟  
يارب دي حكمتك  
عاوزين بقي رحمتك  
ياصاحب التدابير  
وفجأه...  
سمعت صوت هزني  
الرعد صوته خطير  
والبرق نوره وهج  
ونزل المطر غزير  
فرحت وقلت دعايا  
عمل تأثير كبير



## بتاع كلام



ومسحت دمع عيني  
مالفرحة كنت حاطير  
هوا وزعابيب قامت  
ومية طفحت من البيير  
ووحل والدنيا إتقلبت  
فكرت نفسي ولي  
ودعايا ماكنش أسير  
سألت إيه الحكاية؟!  
قالولي... أصل إحنا في أمشير  
وعجبي..





## أمنياتي ..!!

طول عمري وانا بتمني  
لمسة من إيديكي  
نظرة من عنينيكي  
كنت تملي بقول لنفسي  
انت فين وهي فين  
انت حنة بياع أونطة  
انت عامل وشيال لشنطة  
انت أخرك تبقي حارس  
أو تبيع لب عالمحطة  
لكن هي .... هي الأميرة  
هي السفيرة  
هي أحلي حاجة حلوة  
هي لحن ..هي غنوه  
هي وسط الكون دا كله  
زهرة طالعة فوق أعلي ربوه  
الفراشة واليمامه



## بتاع كلام



والغزالة والحمامه  
يبقوا إنتي  
يا أميرتي  
نفسي أقرب بس منك  
عايز أسمع نبض قلبك  
نفسي أبص في عيونك  
أنا مش طايق البعد عنك  
نفسي أشم ريحة عطرك  
عايز بس أبقى جمبك  
عايز أحس إني عايش  
لما أسمع بس نبضك  
الحياة.. بدونك سراب  
والنعمة قلبي في هواكي داب  
دوقيني من شهد حبك  
إرحميني من العذاب  
إنقذيني... حاموت غريق  
في هواكي  
عرفيني... فين الطريق  
أكون معاكي



## بتاع كلام



دوبيني جوة قلبك  
ويا حبك دوبيني  
يا حبيبتي  
إرحميني  
أو حبيبي  
أو سييين... ويا الجراح  
خليني أرتاااح..





## يفيد بايه الندم...!!

ياما نصحتك وعلمتک

يفيد بايه الندم

وكنت دايمًا بقولك

انك مخلوق من عدم

ريشك ضعيف أوي

وبتصرخ من الألم

وقعت فريسة في الشبك

والصياد عمره مارحم

حايخدك عنده عبد

وحتبقي واحد من الخدم

وتعيش حياتك ذليل

وتتحرّم من النعم



## بتاع كلام



وتبكي بدمع العين  
وفقلبك تتصدم  
وتصرخ بأعلي صوت  
إلحقوني....بتظلم  
وتعيش زي الجماد  
أوزي حته صنم  
علشان ماسمعتش نصيحه  
واحد....إتفرم..!!





## عجوز..!!

عجوز وولادي رموني  
والموت زمانه جاي  
مريض ولم يداووني  
وطردوني انا من الحي  
ضعيف محتاج رعاية  
هزيل انا وجعان  
ياناس حرام عليكو  
محتاج لشربة مي  
وعجبي..!!



بتاع كلام



شكراً!!

علي كل كلمه حلوه بعثها

وراحت هدر

علي كل لحظة جميله انا عشتها

وبيهاتغدر

علي المعاني والحروف

والكلام الملفوف

بورق الشجر

شكراً..

علي الحلم اللي ضاع

وضاع معاه كل السهر

علي القلب اللي باع

علي الناس اللي سابوا

قلبي ينكسر

شكراً

علي الشعر اللي انكتب



## بتاع كلام



وطار في هوا واتبدر  
علي القوافي والأوزان  
علي كل حرف مات واتبتر  
شكرا

كان ناقصه ايه كلامي  
مايكونش أعمي البصر؟؟  
علي كل حال ألف شكر  
مبروك للي فاز  
وهارد لك....للي خسر  
قضاء...وقدر..!!





## كلمات متقطعه..

ياللي بخلت بقربك مني  
فاكر إعتذارك حيظمني  
دانا حسيت معاك بالراحة  
وانت عايز تبعد عني ؟؟  
دانا حسيت بشعور متكهرب  
قلت أتوه في عنيك أو أهرب  
وانت يا قاسي بتظلم قلبي  
لأ بصراحة أنا مستغرب  
لأ بصراحة ..زعلان منك  
هي الراحة إن أبعد عنك ؟؟  
ولا الراحة إنك تهجرني  
أنا متشكر ..حراعي سنك  
حفضل أكتب أحلي كلام



## بتاع كلام



وحسهر دايمًا مش راح انا  
عايزك تعرف بس يا قاسي  
بيك.. من غيرك حابقي تمام  
حكتب شعري وقت السحر  
وقت الخوف.. وقت الخطر  
ومش راح أجيب سيرتك تاني  
ومش راح أعمل حساب.. للمطر..





## كان زمان...

كان زمان فيه إخلص  
فيه سعادة في هنا  
النهاردة ماخلص  
راح بقاله كام سنه  
الظلم ساد ويا الفساد  
والغدر من طبعه انتشر  
ياعيني عالبحر اللي انحشر  
ودار في قلب المطحنة

\*\*\*

كان الإبن لما يدخن  
يشوف ابوه يرعي السيجاره  
ويستخي ويخاف من أمه  
لما تناديه جوة العماره



## بتاع كلام



النهاردة الإبن عاق  
وسهل جدا يضرب أبوه  
والبنت تمشي في أي حتة  
والعار يجيلهم من كل حاره  
بقي هي دي معني الشطاره؟؟  
ياميت مليون خساره  
وكان....زمان..





## التوحد..

ياحبيبي أوعي تحزن  
مافتكرش إنك وحيد  
بالإرادة والعزيمة  
حاتعدي المحنة أكيد  
دانتي مختلف وإختلافك  
ميّزك بشئ فريد  
دانتي ضي العين ونورها  
وانتي فجر يوم جديد  
وانتي البسمة عالوجوه  
وانتي نور في ليل عنيد  
ضحكتك ضحكة بريئة  
ونظرتك تدوّب جليد  
ياحبيبي انت بكرة  
وانتي مستقبل سعيد  
انت وردة لسة طالعه  
بتشق قلب الحديد  
أوعي يوم تبطل تغني



## بتاع كلام



ولأ يوم تصبح شريد  
إفرح واملي الكون سعادته  
وأطرد الهم البليد  
واحنا برده معاك تملي  
سواء في دلنا ولأ صعيد  
وفي القضية بنسعي دايم  
إنه يكون لينا رصيد  
روح مدرستك ياالله وانجح  
واروي زرعك الوليد  
والعب دايم مع اصحابك  
وجري الدم في الوريد  
وادعي ربك تنسي همك  
دا الفرغ قريب مش بعيد..





## وآآه.. من السرطان..!!

ببكي بدمع العين  
وعليكي أنا حزين  
صابك مرض فتاك  
سرطان لكنه لعين  
الجسم أصبح نحيف  
ونشفت الشرايين  
والحسن راح وانتهي  
وعيون دبلانين  
والشعر حتي وقع  
وكمان رموش العين  
والناس بتهرب منك  
مش عارف ليه خايفين  
والكل عامل ولي  
وبيدعي دعوتين  
وناسك ليه سابوكي  
وبيقروا معوذتي



## بتاع كلام



خايفين المرض يجيلهم  
لو قربوا خطوتين  
حتي السلام باليد  
حلفوا عليه يمين  
ياناس حرام عليكم  
دي محتاجة كلمتين  
كلمة تخفف عنها  
وبسمة ودعوتين  
وضحكة فوش مريض  
وكذبة وخدعتين  
دا كفاية اللي جرالها  
الله يكون في عونها  
ويشفيها قولوا آمين  
ياااارب..





## يااارب..

الأولة .. آه

والثانية..القلب بيتوَجع

والثانية...الفرحة بتودع

والثالثة...مين يسمع ؟؟

ومين يشاركني أحزاني

ومين يواسيني ؟؟

ومين يزعل علشاني

ولو تعبت يداويني ؟؟

مفيش غيره يداوي الجرح

مفيش غيره يجيب الفرح

هو لوحدده اللي بيسمع

رب الكون إله الناس

أنا عاصي وعائز أرجع

يارب آقبلني وسامحني

وسيدنا محمد راح يشفع لنا ..يارب..

